

The Digital *Viridarium consolationis* Project

Pars 4: De aliis virtutibus Caput 26: De honestate vite (3)

Idem (Bernardus):

Tres virtutes sunt in pueris et adolescentibus magis congruunt,
scilicet, verecundia, taciturnitas, et obedientia.
Non est autem dubium, si has studeant habere,
quin christo duce ad culmen perfectionis virtutumque valeant ascendere.

Nescio an quidquam gratius verecundia,
annecti in moribus hominum deprehendi queat.

Verecundia omnium est ornatus etatum,
sed in etate teneri amplius pulcriusque elucescit,
quia amplius verecundo adolescente.
Quam pulchra hec, inquam, et splendida gemma morum in vultu adolescentis,
bone nuntia spei, bone indolis index!

Tres enim virtutes sunt quae pueris adolescentibus magis congruunt,
verecundia, taciturnitas, et obedientia.
Non est autem dubium, si has studuerint habere,
quin possint Christo duce ad culmen perfectionemque virtutum ascendere.

Iohannes de Fruttuaria, *Tractatus de ordine vitae et morum institutione*, 1.1
(PL 184, cols.561A-B).

Ubi primam nunc adverte sponsae verecundiam,
qua nescio an quidquam gratius adverti in moribus hominum queat.
Hanc primo omnium libet quodammodo in manibus sumere,
et quasi speciosum quemdam florem decerpere loco,
nostrisque apponere adolescentibus:
non quia non sit et in proveciori aetate omni studio retinenda,
quae est certe omnium ornatus aetatum,
sed quod tenerae gratia verecundiae in teneriori aetate amplius pulchriusque eniteat.
Quid amabilius verecundo adolescente?
Quam pulchra haec, et quam splendida gemma morum in vita et vultu adolescentis!
Quam vera et minime dubia bonae nuntia spei, bonae indolis index!

Bernardus Claraeuallensis, *Sermones super Cantica canticorum*, 86.1 (SBO 2,
J. Leclercq, C.H. Talbot, H.M. Rochais eds., p.317, ll.7-24).